

他鄉取衣冠而葬之理是可以義起也廼謀諸同寅胡君即淳遂交衝之所山川壇左爲卜宅兆擇良辰留公衣冠而葬于斯因作木主於縣治東隅賀公之廟一以爲公聚靈萃神之地一以表兩邑黔黎感慕之誠既誌其事遂系以銘銘曰

偉哉李公

邁倫軼群

蚤奉絲綸

來宦于淳

廉以律已

公以存心

催科政拙

撫字懇諄

匪特近悅

惠洽隣民

痛公之沒

兩地同情

淳安縣志卷之七

二十

留公衣冠

葬茲坤垠

慰斯民慕

以妥公神

爰述善美

勒諸翠珉

沒世而下

識公之名

昔嘉靖二年夏四月吉旦知淳安縣事莆田姚鳴鸞撰

顧婆墓在縣西一百里舊有祠今廢

義塚在縣溪南二百步成化十二年按察副使邑

人應顥捨地爲之

義勇將軍王鐫墓在永平鄉環水灣建炎間以

擊虜有功宋儒呂葵銘其誌明御史王賓贊之

淳安縣志卷之七終